

Abwaschungen / Harntreibenten / Schweißbewegenten vnd reinigenten Mitteln sollen vermischet werden.

Dann also pfllegt die Natur / Wann sie nemblich also gestärckt worden / auch etwan durch ein vnempfindliche Durchdämpffung / oder durch ein selbst entstandenen Nasenschweissen die Materie der Kranckheiten außzutreiben / vnd den Menschen derselbigen mit ihrem grossen Heyl vnd Wohlfarth zuentledigen.

### Von dem Saltz der Orientalischen Perlen.

Es sind viel vnd mancherley Mittel erdacht worden die Perlen zu soluiern : Nemblich durch den Spiritum vitrioli durch den rectificierten Spiritum des Frankosenholz / durch das Wasser der Heuschrecken / des jungen vnd zarten Eychen Laubs : Die aller einfachste vnd beste aber geschieht durch den destillierten Essig.

Nach der Solution aber zeucht man den Essig bis auff die truckene Perlen widerumb herab / vnd läst das Saltz mit einem destillierten Regenwasser / oder welches besser / mit Meyen Law / so vber odernan den Weissen Athern gesamblet / soluiert vnd filtriert / widerum euaporieren / wann das Saltz trucken worden / alle solche Geschafft fünf oder sechsmal widerholen / bis das Saltz ein schöne weisse Farb bekommen / vnd von aller scharpfen Säure entlediget ist.

### Von dem Gebrauch vnd Kräften des Perlen Saltz.

Es ist die aller edelste Herk Arznei vnd kompt dem Auro potabili in der Temperatur vnd Wirkung am aller nächsten.

1. Dienet erstlich zu allen Contracturn / Nachlassung der Nerven / gefährlichen Krampff vnd wüten des Hirns.

2. Erhelt den ganzen Leib gesundt / hilfft dem schwachen vnd Krancken widerumb auff / verbessert der Weiber verderbte Milch / verbessert vnd vermehret beydes den Mannlichen vnd Weiblichen Samen.

3. Stärckt das Herk / Hirn vnd Gedächtnis mit den destillierten

Wassern